欽 定 全 唐

欽定全唐文卷六百十目錄 次巴加斯上一名片下上 劉禹錫十二 曹溪六祖大鑒禪師第二碑并存 唐故衡嶽律大師湘潭唐與寺嚴公碑 故朝散大夫檢校尚書吏部郎中兼御史中丞賜 袁州萍鄉縣楊岐山故廣禪師碑 故荆南節度推官董府君墓誌銘 絶編生墓表 紫金魚袋清河縣開國男贈太師崔公神道碑 目錄

祭福建桂尚書文	代裝相祭李司空文	代諸郎中祭王相國文	祭興元李司空文	祭韓吏部文	為鄂州李大夫祭柳員外文	重祭柳員外文	祭柳員外文	子劉子自傳	
						·			-

-Columnia		7-4 F-7-2000			and the second	arvas attiet var seksille		
F			. ***					
7								
チー								ابرر
7								盆
								號
7								[州]
たことましてなって								祭號州楊庶子文
-				i				庄
								7
<u>'</u> _								3
=								
日錄								
								.
					; '			:
	ļ						,	
	ļ							
	ŀ							
	•				; i			

欽定全唐文卷六百十 炎為魏名臣又九葉生休仕後魏為七兵尚書七兵之 钦定全唐文人七六百十 到两易 秦末東聚侯意如東來之子伯基始居清河又十五葉生 曰寅爲樂安太守公即樂安八代孫始以閥閱授鄭州祭 師諱歷字平仲清河東武城人太公望既封於營印不 劉禹錫十二 嗣侯仮之孫曰穆伯食邑於崔遂以爲氏後十四世至 故朝散大夫檢校尚書吏部郎中兼御史中丞賜 紫金魚袋清河縣開國男贈太師崔公神道碑

軍力行好學於子道以孝聞處伯仲間以友聞讀易至編 絕以精易聞至德中時有邊警從師出征公少有奇志思 越拘擊以自奮乃作伐鯨鯢賦以獻旣上聞果器之會第 察屬表公爲介轉臨晉縣丞處煩應卒針刃不頓再遷至 五丞相以善言利得幸盡付利權始有鹽鐵使之官慎選 時為戸部侍郎掌邦賦急於用才薦公為監察御史主 東租庸之務尋轉殿中侍御史復遷侍御史充京東和耀 使建中初德宗始親萬幾儲精治本有漢宣與我共此之 理評事府罷思河中府司隸參軍太子司議郎韓晉公

欽定全唐文《卷六百十 晉公爲丞相制國用思公前績乃傳召之抵京師授檢校 歎謂史臣求可當二千石良者遂以公帶本官權知袁州 齡六十有五貞元七年二月二日遘疾卒於官上聞悼之 會其所人贏羨什伯詔下褒其能轉吏部侍郎兼御史中 盈商通而将至吏懼而循法民不絓網而國用益饒歲秒 刺史期月有成詔書願楊就加具秩益以金紫居無何韓 丞且加五等之解方倚以重任天富其才而不遐其福亭 戸部郎中軒池鹽於蒲修年盆謹衡石煎和旣精飴散乃 降點策贈鄭州刺史齊錢五百萬以備飾終之禮明年 劉禹錫

文當晉階遂上疏乞移樂於親上俞之特封清河郡太君 惟夫人為姑戚冠族以頻繁組糾輔佐君子為令妻積 常卿加同中書門下平章事令為尚書侍郎平章事如故 已為左拾遺後至太常卿次曰酆至太府卿次曰歐至外 汾州司戸參軍咸一之女生才子六人長日郊及公終時 貞之初順宗践作澤流百葉長子が時為詞臣草冊書以 臺尚書次曰郇今爲廷尉次曰鄯至執金吾季曰即自太 八月二日返葬於成周之偃師從世墓也夫人隴西李氏 一餘年以慈儉忠厚訓誠諸子為賢母二十有三年當永

然承順無違鼎鐘致養居然一室雍熙太和言世樂者舉 火已白馬と一名いすり 能書得士百四十有八人言兄弟者許為人瑞崔氏之門 六人皆入南宮賜金紫其間三人歷入侍郎統而論四卿 綬以奉膳羞諸季皆翩翩人傑各以簪裾給事左右偷偷 及尚書監今相國皆自中書舍人為禮部侍郎凡五貢賢 六日捐館舍壽七十有九是歲十月十八日合村惟太常 林聳慕皆自痛其不及が為太常數為大農咸白髮貴 相兩連率二翰林學士一執金吾言冠冕者許為世雄 以比以子貴累封贈至涼國太夫人元和八年三月十 劉病錫

金万百月六月スフェー 信也又命宗祝上柔日告於廟盡誠也儀甚備而敬有 前人之耿光乃俾家老條白事功資於學古者後其詞尚 瓘為司勳郎其他支孫未登金閨籍者說說然魚貫而進 者許為時表太常二子亦以才能同入尚書蘋為吏部郎 冬仲月奉常事於家禮成起慕悄然永懷曰古者卿大夫 光已開成已未歲七月甲辰相君受詔於朝廷始操國柄 廟有鼎墓有碑皆銘之以紀先德也今備位宰相敢不數 文業甚富而孝謹不衰猗數君子之澤其所從來違而有 姑臧李范楊盧世為婚媾入於婚黨無第二流言門

之才不與壽并生樹德本發揚淑聲里老罷春音樂為停 歲倍其贏奏課連最德音張明就加執法好爵兼樂天付 製處中外交師獻賦伐叛忠存乎詞兵與事業飛乾四馳 歷踐劇職視險如夷乃主平雜乃分符使治果為邦其道 倬見圖史顯允太師不承德基構於其堂亦既堅茨生逢 多才如彼根棟必生徂徠太公之後彌二千祀累如貫珠 斯所謂達禮之君子遂刊勒如式揭於道周銘曰 **买卖四姓崔為之冠瞻其門牆倬若雲漢善積家肥子孫** 致蒲實近地鹽為利法使車來思剝弊立程吏廉商通 川馬男

欽定全唐文 卷六百十 秩秩軟不踰矩皆為望族今為與門天爵人爵蔚然兩尊 身後家有命子妻為壽母二十餘年人倫之首六子來侍 贈襚之禮冠於公卿萬石貽訓根於孝友太公種德乃稔 之川湯陵之壇磅礴迴環世安其神世嗣其賢聆德音者 先德陰騰點如垂雲孕和合粹濯潤本根景毫之原圖書 如龍如虎眾婦來饋維筐及宮佩玉鳴環交響庭戸中申 拜於碑前 元和十一年某月日詔書追東曹溪第六祖能公益日大 曹溪六祖大鑒禪師第二碑并序

經來華人始聞其言猶夫重昏之見智爽復五百歲而達 為前碑後三年有僧道琳率其徒由曹溪來且曰願立第 其事且謹始以垂後逐咨於文雄令柳州刺史河東柳君 善善不隔異教一字之聚華夷乳懷得其所故也馬公敬 摩以法來華人始傳其心猶夫昧且之親白日自達摩六 欽定全唐文 卷六百十 劉馬易 傳至大鑒如貫意珠有先後而無異同世之言真宗者所 鑒實廣州牧馬總以疏聞繇是可其奏尚道以尊名同歸 謂頓門初達摩與佛衣俱來得道傳付以為真印至大鑒 二碑學者志也惟如來滅後中五百歲而摩騰竺法蘭以 Ē.

置而不傳豈以是為筌蹄耶獨狗耶將人人之其已若 授以實器宴坐曹溪世號南宗學徒爰來如水之東飲 傑異父乾母坤獨肖元氣一言頓悟不踐初地五師相 師得授記以歸高宗使中貴人再徵不奉部第以言為貢 至人之生無有種類同人者形出人者智蠢養南裔降 不若置之耶吾不得而知也按大鑒生新州三十出家四 十七年而 發 既 殁 百 有 六 年 而 諡 始 自 斯 州東 山 從 弟 五 一散行之銘曰 於差其府弊詔不能致許為法雄去佛日遠羣言積

竟不可傳口傳手付則礙於有留衣空堂得者天授 哉乾坤定位而聖人之道參行乎其中亦猶水火異氣成 欽定全唐文 卷六百十 至有乘天工之隙以補其化釋王者之位以選其人則素 天生人而不能使情欲有節君牧人而不能去威勢以理 著空執有各走其域我立真荃揭起南國無修而修無得 王立中樞之教懋建大中慈氏起西方之教習登正覺至 而得能使學者還其天識如黑而迷仰見斗極得之自然 也同德轅輪異象至遠也同功然則儒以中道御奉生 袁州萍鄉縣楊岐山故廣禪師碑 劉禹錫

劫濁而益尊自白馬東來而人知像教佛衣始傳而人知 業以銷冤革盜心於冥昧之間泯愛緣於死生之際陰助 好者佈威神而遷善厚於求者植因以凱福雅於告者證 其生容州姓張氏七歲尚儒以祖豆爲戲十三慕道遵懷 心法宏以權實示其攝修味真實者即清淨以觀空存相 罕言性命故世衰而爱息佛以大慈救諸苦廣起因紫故 富必有以得其門而會其宗者為世導師馬禪師諱乘廣 調柔其方可言其旨不可得而言也惟四海之大羣倫之 化總持人天所謂生成之外別有陶冶刑政不及曲為

削之儀至衛陽依天柱想公以敬初地至洛陽依荷 欽定全書文 卷六百十 公以契真乘洪鐘蘊聲扣之斯應陽燧舍焰晞之乃明始 万善界咸發信願大其藩垣法堂四阿復 方而立因居沙旬而善根者知歸逮周月而帶縛者 見性終得自在常謂機有淺深法無高下分二宗者 分別道由內證則無異同遂以攝化為心經行不 以月倍日以年倍時活聽洞開荒憬潛革邑中長者 頓漸之見就三乘者如來開方便之門名自外得故 不開佛經由是結廬此山心與境寂應念以起 劉禹錫 引僧舍身心恆

澤差衰與子號呼圍繞薪火得舍利如珠璣者數十百馬 兹高山知道有所在此地緣盡偷然化俱神歸佛境悲結 寂象馬交馳隨其去來皆得利盆瑜嶺之北涉湘而南位 生之辰歲在丁已當元宗之中元也生三十而受具更 現靈亦循鳳毛成字麟角生肉必有以異不知其然於是 於戲肖圓方之形故寂滅以示盡入菩提之位故殊相 等相與杖沒具役建塔於禪室之右端從眾也初廣公始 人世自趺坐而滅至於茶毗三百有六旬矣爪髮加長容 勒聞法之上首曰甄升乃率其徒圓寂道宏如亮如海

佛法如線吾師覺者冥極道樞承受密印端如貴珠一 故繭足千里以誠相投大懼其先師德音與時寒遠且曰 銘以垂休皆憑像寄懷不可以闕一繆謂予為習於文者 之又十日也後九年其門人還源以為崇塔以存神與建 無辯心法東行羣迷不變七葉無嗣四魔潛扇佛衣生塵 為者就專之敬酬斯言銘示具俗文曰 9 m / 1 m / 2/ 1/ 1- 1 白月中黑東川無還颺於金石傳信百劫彼墮淚之感豈 五十二而終終之夕歲直戊寅當德宗之後元三月旣望 如來說法遍滿大千得勝義者強名為禪至道不二至言 劉禹錫

構以方便家藏佛書願力既普度門斯盛合為一乘散為 寥然高山之隅為法來者千百人俱裔民嗤嗤戶有犀渠 多安全孝文、若丁百十 萬行即動求靜故能常定絕緣離覺乃得究竟生非我樂 若妙覺故言禪寂者宗嵩山北方之人銳以武力攝武莫 無礙後覺得之像閱靈塔迹留仁祠十方四輩瞻禮於斯 若示現故言神通者宗清凉山南方之人剽而輕制輕 佛法在九州間隨其方而化中夏之人泪於樂利破樂莫 死非我病現滅者身常圓者性本無言說付屬其誰等空 唐故衡敬律大師湘潭唐興寺嚴公碑

年樂為僧父不能奪其志抱經笥入岣嶁山從名師執業 門者為正法馬公號智嚴曹氏子世為柳之右姓兆形 欽定全唐文 卷六百十 孕母不嗜草成童在侶獨不嗜戲其風植固厚者數生 所賓禮嗣曹王皋之鎮湖南請為人師自是登壇故事 承之證公之後湘潭嚴公承之星月麗天珠璣同貫由 我得覺路逕入智地居室方丈名聞大千護法大臣 與山比崇南敬律門以津公為上首津之後雲峰證 進品受具聞經傳印皆當時大長老我入名門不住 威儀故言律藏者宗衛山是三名山為莊嚴國必有 劉禹錫 儿

各予乞辭乃作長句以偈銘之曰 建寶幢修廢寺飾大像皆極其工應物故也元和十三 其徒圓靜文外惠樂明素存政等欲其師之道光且遠故 而視身與色無有壞相嗚呼豈生能全吾真故死不速 於寺東北隅傳律弟子中異道準傳經弟子園皎貞琛母 公色受之謂門弟子曰彼以有相求我我以有為應之 月二十七日中夜具湯沐剃頭頂與門人告别既即寂 有八載由我得度者萬有餘人人持寶衣解瓔珞為禮 有願力耶子不得而知也問年八十二問臘六十

飲定全唐文 台上 丁一川到馬錫 不已 於幽且先志也故重為之董姓出於豢龍氏至辛有而分 故府私第年若干其孤泣書前人之爵里耿光求我以銘 居石頭寺門前一帶湘江水吁嗟律席之名兮與湘流而 童心至兒齒識滅形全異凡死長沙潭西逾五里陶侃故 津視嚴猶孫子登壇人師四十紀南方學徒宗與旨幼無 元和七年夏四月某日前荆州部從事董府君以疾終於 祝融靈山馬所治非夫有道不可止中有毗尼出塵士 故荆南節度推官董府君墓誌銘

舟浮江沱泛洞庭登熊耳訪浮邱以探異賦枉渚以寄傲 書脫巾為宏文館校書郎再選至大理評事成視真秩而 多所慰薦中年奉浮圖說三乘用是貢誠於清賢多被辟 數旁据百氏之學弱年嗜屬詩工实基用是索合於貴游 董生爲守命客旣而以士相見之禮成與之言能言墳典 字不稱名不待事而彰也始予謫於武陵人多中之賢有 帝舉兵漢中劫其兵界不克其土後裔逐為雕西人凡稱 不累其章職繫於外是也晚節尚道故投劾於幕府治扁 在晉為良史在趙佐簡子為能臣項羽主盟為翟王高皇 グランプラフィー 欽定全唐文 卷六百十 自会後至於小雞皆仁人之脾馬是歲五月十二日小姓 嗚呼道愈富而室愈貧志甚修而知甚寡士以雕西為皆 於龍山之某两外烟至矣君名從字庶中大父曰思簡位 學待問而文源身藝不試兮名孰聞大道甚夷兮非力 將在令名與銘曰 於閻氏生二子日周卿雲卿嫠也總裳整首有正家之道 鄭之里生嗣子夏鄉殷鄉既立而天今未之從其後又娶 至汝南太守父承祖殁於武守太子舍人始為君求婦於 居數歲投老於南荆迷邦縱性委和從化速夫腹巨室也 劉禹錫

馬子既諭居是邦始至之日問能道古語可與言者色子 黨庠之側尚其有知且聞吾書君子曰若家者可謂志為 於學矣因以絕編生諡之且表其墓後之讀功令者或采 新墳若斧吁嗟董生兮於馬終古 子曰吾年十有五而受易於師積六十三年於兹未嘗 顧家吳郡人食力於武陵沅水上以讀易聞病且死的其 日不吟乎繁象里中兒從吾讀其文多矣死則必葬吾於 何生不茂兮非我春修門之達兮連岡膴鹏蔓草如茵兮 絶錦生墓表

聞於師晚熟於心自尼父兼三才絀八索繫解馬以通微 態而亡若容問其所執曰幼學易老而尤睹問安學曰始 顯行漢之田丁京劉而東京有馬鄭魏之何首兩王而吳 知讓候肅而後入又肅而齊陷心存聖言潤徹眉睫有 有韋陸前者導源後者酒之風融混合百派群湊唐與 言與伏羲文王並行猶天三辰同麗太極秦脫大惠完文 以生為對既而執對請見之生危冠大袂濶視雅拜 有紀變道也亡方獨之支流委輸於我其它紬釋祖述三 一行方洩天機以探古人神友造物智斟人事制動 到禹男

旁魄上下為精於醬摭匱巧於穿鑿猶制氏之於樂鏗鏘 十有餘家朱藍之樸野之為羽翼為鼓吹疇谷天人之際 一多定全唐文 卷六百十 亡訾不能與計偕地偏且遠亡有能晤語者心愈苦而跡 · 一根著指骨而訊之 日是亹亹者曾不予欺乎生攸爾 愈卑寒膚廉腹以至於羞老微夫子之問持是安施乎它 腴學芳馬手脈於運管目職於臨燭而氣耗於外呻家居 而已徐氏之於禮善容而已然而前修之盡心也得以味 對云古先聖人知道之妙不可搏而得也故設象以致意 日子造其室盧瓢箪在左汗尊在右有龜枵然有矣甚澤

措說亡地彼枯莖朽殼安能與於此乎今夫撰之以至利 羊喪牛之間耳資其握栗以餬子口鳥足為夫子道哉子 灼之以殆盡徒與夫蚩蚩者問歉穰占熊虺起訟需食亡 梯有以取亡取當其麤用當其精夫權衡所以揣輕重 欽定全書之一 包六百十 劉再勢 卦體以地理為交位外附人事以象為內取諸身以象馬 以斯言邃於易故書噫國有大學學有館以延顓門若生 得樞於寰中迎數於象外自然之理不知其然雖欲強名 所以決羣疑不為知幾者設也幾存乎人是則以天時為 為捶鉤者設也尋尺所以商達邇不為運斤者設也龜灰

貴夫豈貴邇也哉悦者眾故也生之死在元和七年秋七 者苦形役志如是其顓也站經於腹湮滅糞壤壁水湯湯 子劉子名禹錫字夢得其先漢景帝賈夫人子勝封中山 葬在征渚西右磯上其墳可隱東望里墊尚行其志云 月由死之日推而上求直治生之長得四百有七十甲子 毛剽筋壽革領嬌之華實炎溟之蜃蝦飛苞驛篚所至而 不聞其聲推藏機邀與山木同朽豈地遠然耶彼文甲終 至り ミノン オフト 王諡曰靖子孫因封為中山人也七代祖克事北朝為望 子劉子自傳

身奉尊夫人不敢殞滅後忝登朝或領郡蒙恩澤先府 西從事本府就加鹽鐵副使遂轉殿中主務於埇橋其 刺史祖鎮由洛陽主簿察視行馬外事歲滿轉殿中丞侍 御史贈尚書祠部郎中父諱緒亦以儒學天實末應進 火日白雪し、まいす 而 仕墳墓在洛陽北山其後地陋不可依乃葬樂陽之 歸浙右至揚州遇疾不諱小子承風訓稟遺教眇然 及大亂舉族東遷以違患難因為東諸侯所用後為 由大王父已還一昭 人散騎常侍遇遷都洛陽為北部都昌里人世為 一穆如平生曾祖凱官至博 劉禹錫 Ī

金をクラスフェー 累贈至吏部尚書先太君盧氏由彭城縣大君贈至范陽 謀之於始因白丞相以請曰諾居數月而罷徐四而河路 逐請為掌書記棒檄入告太夫人曰吾不樂江淮間汝宜 是時年少名浮於質士林樂之及丁先尚書憂迫禮不死 登吏部取士科授太子校書官司閒曠得以請告奉温清 郡太夫人初禹錫旣冠舉進士一幸而中試間歲又以文 因成痼疾既免喪相國揚州節度使杜公領徐四素相知 艱難逐改為揚州掌書記沙二年而道無處前約乃行 補京兆渭南主簿明年冬擢為監察御史貞元二十

基得通籍博望因開除得言及時事上大奇之如是者積 久界未知之至是起蘇州掾超拜起居舍人充翰林學士 内職兼充副使未幾特遷戸部侍郎賜紫貴振一時子前 遂陰薦丞相杜公為度支鹽鐵等使翊日叔文以本官及 子者皆與子厚善日夕過言其能叔文實工言治道能以 外郎判度支鹽鐵等按初叔文北海人自言猛之後有遠 年春德宗新葉天下東宮即位時有寒雋王叔文以善奕 七三二十二十一月野男 祖風唯東平呂温隴西李景儉河東柳宗元以為言然三 已為杜丞相奏署崇陵使判官居月餘日至是改屯田員

官使後被足疾改太子賓客分司東都又改秘書監分司 客郎中分司東都明年追入充集賢殿學士轉蘇州刺 州 賜金紫移汝州兼御史中丞又遷同州充本州防禦長 州後命終死宰相貶崖州予出為連州途至期南又貶朗 召對官被事松而建桓立順功歸貴臣於是叔文首貶渝 東宮即皇帝位是時太上久寢疾宰臣及用事者都 一素被疾至是尤劇部下內禪自為太上皇後諡曰順宗 司馬居九年韶後復投連州自連歷夔和二郡又除丰 全唐文 卷六百十 移 人既得用自春至秋其所施為人不以為當非 支 聍

施兮人或加訕心無疵兮寢於北牖盡所期兮葬近大墓 之日自為銘曰 欽定全唐文《卷六百十 維元和十五年歲次庚子正月戊戌朔日孤子劉禹錫 如生時兮魂無不之庸非知兮 柳君之靈嗚呼子厚我有一言君其聞否惟君平昔聰明 不夭不賤天之祺兮重屯累厄數之奇兮天與所長不使 京扶力謹遣所使黃孟長具清酌庶羞之真敬祭於亡友 年加檢校禮部尚書兼太子賓客行年七十有一身病 祭柳員外文 劉禹錫

絕人今雖化去夫豈無物意君所死乃形質耳魂氣何托 索居多遠鄂治差近表臣分深想其聞計必勇於義已命 來用憂我衰病諭以苦言情深禮至款密重複期以中路 聽予哀解嗚呼痛哉嗟予不天甫遭関凶未雜所部三使 所使持書徑行友道尚終當必加厚退之承命改牧宜陽 伸紙窮竟得君遺書絕松之音悽愴徹骨初托遺嗣知其 大叫如得狂病良久問故百哀攻中涕洟迸落魂魄震越 史申願言途次衡陽云有柳使謂復前約忽承計書驚號 不孤末言歸精從附先城凡此數事職在吾徒永言素交

還使悉已如禮形於其書嗚呼子厚此是何事朋友凋落 欽定全唐文 卷六百十 **劉禹**錫 哭我故人孰云衙草此慟何極嗚呼子厚卿真死矣終我 從古所悲不圖此言乃為君發自君失意沈伏遠郡近遇 亦馳一函候於便道勒石垂後屬於伊人安平宣英會有 皇天后土胡寧忍此知悲無益奈恨無已君之不聞予心 則服今有所厭其禮莫申朝晡臨後出就別次南望桂 顧予買緊營奉方重猶冀前路望君銘旌右之達人朋友 國士方伸眉頭亦見遺草恭好舊府志氣相感必喻常倫 生無相見矣何人不達使君終否何人不老使君天死 毛

使我臨哭安知世上真有此事既不可贖翻哀獨生嗚呼 嗚呼自君之沒行已八月每一念至忽忽猶疑今以喪來 出人之才竟無施為炯炯之氣戢於一木形與人等今野 萬根寄以一聲唯識真者乃相知耳庶幾儻言君儻聞 異音同歡唯我之哭非吊非傷來與君言不成言哭干 如斯識與人殊今復何託生有高名沒為眾悲異服同志 知我深旨嗚呼哀哉尚饗 不理舍酸執筆輒復中止誓使周六同於己子魂兮來思 重祭柳員外文

欽定全唐文 卷六百十 惑此昔子與君論之詳熟孔氏四科罕能相備惟公特立 嗚呼至人以在生爲傳舍以軒冕爲儻來達於理者未當 哀誠嗚呼痛哉尚饗 幼稱甬上故人撫之敦詩退之各展其分安平來赗禮成 嗚呼哀哉君有遺美其事多梗桂林舊府感激生持俾君 君為已矣予為苟生何以言別長號數聲真乎異日展我 內弟得以義勝平昔所念今則無違旅魂克歸崔生實主 而歸其他赴告咸復於素一以誠告君黨聞乎嗚呼痛哉 為鄂州李大夫祭柳員外文 劉禹錫

遭罹多故中復賜環上京良遇曾不踰月君又即路遠持 離索則久音則屢傳篋盈草隸架滿文篇鍾索繼美班楊 高科齊驅攜手書殿分曹藍由心志諸同追數相續或秋 郡符柳江之壖居陋行道疲人歌馬子來夏口忽復三年 接武君遷外郎子侍内闡出處雖閒音塵不虧勢變時移 長途始半而喪良驥縉紳之倫孰不墮淚昔者與君交臂 相得一言一笑未始有極馳聲日下喬名天衛射策差池 秀出幾於全器才之何豐運之何否大川未濟乃失巨盤 月街寫或春日馳戰甸服載春同升憲府察視之烈斯馬

遺孤之才與不才敢同已子之相許嗚呼哀哉尚樂 欽定全唐文 卷六百十 抗行當時勍者皆出其下古人中求為敵蓋寡貞元之中 真寫其克親舉馳神假夢其復審語平生密懷願君遣 美志莫宣遭回世路奄忽下泉嗚呼哀哉令妻早谢释子 差肩賈誼賦鵬屈原問天自古有死奚論後先痛君未来 既及岳陽復門一働貫裂束肠執鄉禮乖出疆路阻故 高山無窮太華削成人文無窮夫子挺生典訓為徒百家 四歲天喪斯文而君永近翩翩丹旅來自退裔聞君旅概 祭韓吏部文 劉禹錫

帝鼓薰琴奕奕金馬文章如林君自幽谷升於高岑鸞鳳 服之無言關岐山威鳳不復鳴華亭別鶴中夜舊畏簡書 其間對詞偷偷固非顏顏磅礴上下義農以還會於有極 與人好惡背馳昔遇夫子聰明勇奮常操利刃開我混沌 子長在筆子長在論持矛舉楯卒不能困時惟子厚竄言 宜其壽考天人之學可與論道二者不至至者其誰豈天 如山權豪來侮人虎我鼠然諾洞開人金我土親親尚舊 三十餘年聲名塞天公鼎侯碑志隊表阡一字之價董金 鳴蜩螗革音手持文柄高視眾海權衡低品瞻我所在

清酌之奠敬祭於故相國山南西道節度使贈司空李公 比肩公乘迅飆凌厲非烟愚觸駭機迸落深泉一持化權 挺生德與位并如膽日月豈贊其明何以致之姑話平 維大和四年月日禮部即中集賢殿直學士 **兮拘印綬思臨慟兮志莫就生獨一東酒一杯故人故** 懷周旋彌四十年射策校文接武聯翩甸服同邑明庭 靈嗚呼龜靈而刳龍知而屠古今同之天不可呼公之 祭與元李司空文 到馬馬 一劉禹錫謹以

多定全唐文 卷六百十 高臺看山尋春適野醉舞花閒忽復登壇總戎於外子午 攜手公入西關愚亦後還削去苛禮招邀清閒廣陌聯 危栈巴梁古岸夷風倉停獲俗惶害陰謀密備免黨五 如赎羣犬以逼騶虞如縱炎大以焚瑾瑜時耶命耶不 復以即吏交歡上公披襟道舊劇談小酒清洛泛舟鑿龍 長夜無曉斯馬永歸風凄日昏鼓咽簫悲沈埋玉樹誰 不圖物理神道安知有無鳴呼痛哉元天甚高上 請海壖本同末異如矢別弦雲龍井蛙勢不相見二紀 朝會面公爲故相愚似悲翁契濶相遇凄凉萬 一訴何

霑衣平生故人零落已稀委化而盡然猶怨咨如何國禎 釣食禄甚厚奉身如貧井絡之隔益部為大斗牛之下揚 維大和四年月日某官等敬祭於故相國贈太尉太原王 自貢士縣為廷臣鴻為聯行其凌青雲旣操利權兼秉國 欽定全唐文 卷六百十 有此遭罹挺災賦命孰主張之有看在筵有酒盈色神 州繁會受社臨我油幢曲益印綬重疊恩華滂霈簿領 來歌已矣長舜尚饗 公之靈嗚呼天以和氣種於貴人合光不曜煦物如春發 代諸郎中祭王相國文 劉禹錫

堂言笑嘻怡詩朝愀然有志求醫未椒琴瑟俄懸素旂宸 喜處已無咎得君如此若木方高商飆数起三台之氣變 山處之若閒推筦之權往而復還炎炎暐暐出入二紀未 晚承泛愛昔修禮於門間今纏悲於祖載幽顯雖異音被 歸笳簫咽而復揚風日慘而無輝元亮等或早挹清塵或 東寰悼朝右悽悲部下聚崇恩殊等夷靈斬旣駕真宅将 曾傷神屢有薦士急難友弟謹厚訓子顏閒熙熙不形愠 現在時五福之來盛衰有期曉下黃閣車騎威遲夕歸華 个昧神之格思散此誠酹尚饗

之生福自維嵩金石高韻珪璋德容元和之初左右憲宗 又副丞相道冠搢紳事參翼亮某與公遊四十餘年風期 名公名成身退猶係人望入為羽儀出領藩方既師百碎 以才視草以望登庸振起直聲激揚清風實有正氣號為 酌少年之真敬祭於故相國魏郡公之靈嗚呼五貞而折 次包全县大人长八百十 合契禄位相先某私司言公持化權應同宮後馥若蘭於 不能瓦合鸞鍛而萎不同雞羣生兮若浮守道不屈惟公 四年月日特進守司空兼門下侍郎平章事裴度謹以清 代裴相祭李司空文 劉禹錫

猥以姓名稱於上前發迹從微芳 關獲宣某為免相待罪 維大和六年月日蘇州刺史劉禹錫謹以清酌之真敬祭 孔悲嘉肴百選旨酒一危寄此情素神其來思嗚呼哀哉 舍戚強魂訴天冤血成碧鳴呼哀哉某在病中部書始 公東亦還里門相邇賓問常閒退朝休幹道舊開顏壁呼公東亦還里門相邇賓問常聞退朝休幹道舊開顏壁呼 無力以哭不言垂淚今開被輔首路而歸隱几臨風其 川間之忽在旦夕豈意倉卒逐成今昔衣冠喪氣風物 山公拜右換來從東川極其數娛者在詩篇某悉三 祭福建柱尚書文

欽定全唐文《卷六百十 旋尚書遇知變化如蟬秉憲朝右剖符江壩交趾化行员 州績宣 俱西還列於清班來訪書般登樓看山見領八屯 一接語其容温然星歲未幾鄙夫南遷滯留江湘魚鳥周 門里同陌子復郎位公為賓客蔚然貴臣經紫顏白 拾發乘軒始識尚書貞元季年詣我南省聚文 遷聞越紅旆雙殷克有淑聲播紳之 凡曰循吏其居我先大和之初再遂良觀分務東 -古津峭壁 唇顏追意龍劍沈晶不還復魄 到馬錫 間惸簽鼓舞

字結交世賢席勢馳聲龍秋鳥公試文再售毛翮愈鮮思 堂歸舟建浦雙表何在虎邱之下恭承嘉命來牧吾土言 維大和六年月日蘇州刺史劉禹錫謹遣軍吏某乙具少 佐侯藩拾造君前伏閣論事侵及內惟克揚直聲不愠力 年清酌之真敬祭於放號州楊公之靈鳴呼利劍多缺直 五喜折俊人不壽為氣所遇子之少孤率性自然早有名 師敬陳真筵泣對靈惟平生不忘飲此一戶嗚呼哀哉 念皆遊忽成千古哀哉孝嗣率禮無違言奉几席歸平洛 祭號州楊庶子文

楚方知北軒嗚呼嗟哉見幾不早追悔已晚猶希尚老容 書太堅方階尺木已墜九泉誦年易深潛病難痊不見南 私之愛與眾無比乃命長嗣為君半子誰無外姻君實知 留九天難問萬國同休嗚呼惜哉與君交歡已過三紀維 疾而來風烟為愁靜治三載即分主愛直氣潛銷頹几不 平士庶同適朝典防明俾臨本州錫以貴緩腰金晝遊與 たっとう まっと ペー・マー・ 已昔與君遊俱爲壯年怒人言命笑人言天閱事未多信 八啞啞比陽布和戰地盡關壽春武斷姦吏奪魄榮波砥 斤於外君門遊然五剖竹符皆有聲續南湘潛化門 劉禹錫

多分全屋文一先六百十 **叛唯逢素書發函驚視翰不自濡相去一舍豈無有與君** 悲宿草到郡次辰君不起聞寢門一働我哀如焚彭彭輔 來姑蘇飛書相約言念鼎湖我車載脂為子疾驅入境閒 或宣展以閑相期以晦相勉一邱可樂萬累皆遣翫圖散 道我今泛然一委元造平生親友零落太早無望拔茅盡 爲病嬰我爲吏拘兩不如意嗟哉命夫君今往矣無復可 車來葬洛濱敬修膊禮泣送行人萬夫之羞薦君明魂三 秩姿姿京拳天命不長願言莫展嗚呼痛哉君卧宏農子 赤之板寫子哀文凄凉山河慘淡風雲已矣長別嗟我楊

舒							君
欽定全唐文、卷六百十)
全	. [
唐							
	l						
**	'						
其							
古							
+							
 (see	į			,			
劉禹							
錫		_				"	:
1		,					'
					·		
宝	ĺ						
						•	
		,					

.

	欽定全唐文 卷六百十 目錄
	賀正進物狀
	奏廣州結好使事由奉詔書謝恩狀
	裴次元
	海上生明月賦
7	徐晦
	獲大宛馬賦
	中和節百辟獻農書賦
	胡直鈞
新文藝出版社歐書	欽定全唐文卷六百十一目錄

添櫃驥蹴罪議請令史館紀時政疏	才 · · · · · · · · · · · · · · · · · · ·	易司夏 奏準韶令子弟主辨遷奉事狀	降誕日進物狀	賀冬進物狀	端午進物狀	
----------------	---	------------------	--------	-------	-------	--

and his then I was to I me I I			*		九證心戒後序	九證心戒序
其	5 5 6 6 6 6					
1 1						

欽定全唐文卷六百十 道則無逸之書何遠親播植之論審后稷之訓不遐至若 莫邪吾君将以發教源於仲序配節令於孔嘉知稼穑之 農爲務本春則歲華和者取至和之靡成中者象居中之 直釣貞元十九年進士 器為農器更舊節為新節天子方坐承明之盧端穆清之 大のということ 四海無事萬方胥悦野思疆理之勤朝有田疇之說鑄兵 胡直绉 中和節百碎獻農書賦及農政為韻 **別直的**

斯載耕之自此竹多稔之於彼稽汜氏之法未足方之考 情遊之人罔敢不率皇上皆眾議允嘉飲載来耜而親耕 天下皆勘率公卿而終事庶績成修然後創典章領遠邇 於遺東之歲戒東作於寅賓之日庶居勤之輩成執其常 居百執事孜孜而奉職羣有司濟濟以進書曰陛下德被 金片住屋文艺艺工作十一 周官之規該當改是豈不以羣下執躬在上務農故将降 徇平秩時在元吉既錢鎮之徒營固準直而何失遲西成 自撼臣所以極聞見而獻可庶將獲小大之所如伏以義 淳古時登太初念耘料之勤每思親勞付豐年之應曾不

是宛卒大北神駒盡來驅駁奇狀超濾逸材走追風於馬 之用宣冀邊草之齊偃旣量功就已料生返越窮海之沙 邑斯逐日於雲堆因行師之勳著辨前王之業開當夫海 輝映 法於三務遠從規於八政豈將獨播美於茲辰冀終古 西出征掣敵要遠始遲疑而不進承再命之爰晚奉皇風 昔孝武寤善馬駕英才窮貳師於海外獲汗血之龍媒於 元功於后土介景福於天宗況令節適時良圖合盛近可 獲大宛馬賦以開遠或得 月三与

多安全唐文卷六百十一 塵及大宛之城苑既高勳以茂閥且不愧於分閫夠糧盡 雪彩於花聽悉可耀威華夏奪魄櫄戎若乃發迹窮荒來 者有國之先徒知天腳之可獲莫痛在夫之寡全時泰俗 於筋力然則馬惟行地君實統天騎兵者耗財之本愛財 儀中國史幣千載之異朝慶一人之得君子之德式字天 俗從入律之東風沛艾骨異低昂氣雄溢鏡光於金勒流 取縣驥亦空材為地產之最精降天山之中背不毛之殊 饒固理道之所急珍禽奇獸在人君之可捐穆王之荒何 王之道允塞騰驤永将曾何比於權奇滅沒長衢獨有賴

欽定全唐文、卷六百十一 兵部尚書 邊之徒以勞師遠伐屈眾策之下 出為同州刺史大和中以禮部尚書致仕開成三年卒贈 晦字大章第進士登直言極諫科累拜中書舍人敬宗朝 絕嘏自將致丹質之鳳鳥豈徒來汗血之龍馬故前代論 生兮有矣屈之產也在馬復何必勤求於遠本當耗戰之 取文帝之事足傳竟治大東之詠異為天馬之篇光襲之 事邊向使武帝退術士實賢者能征戰於戎夷次風俗於 徐晦 徐梅 ___

風濤菲珥出霞岸而不遲過鳌山而孔邇顧兔搖拽桓 旁起疑庾亮之可從珠蚌潛開異隋侯之所委**躔**次雖游 擅浮光而在兹嗟平空潤之容若彼清明之狀如此蜃樓 三五二八之期蓋進必以道豈出非其時繼傾職以對越 巨浸不極太陰無私寒積水之游氣親圓魄之殊姿皜皓 天步蒼茫地維決漾崩騰助金波玉浪之勢晶熒激射當 倚將運行以故然訴滌濯之難揣遠絕昏霾迴臨津 無幽而不燭斯冥力而上排希逸之賦可稱界於斜漢 海 生明月賦 欽定全唐文 卷六百十一 影交馳浪花與桂枝相送凝目是遠賞心斯界苟佳景之 次元貞元中進士官吏部員外即元和中爲福州刺 聊學抽毫而進贖豈追羨魚以臨 必存孰良辰之不共滔滔節宣冉冉祖遷循彼萬流差廣 有年感浮将而偶聖庶乘槎而逢優亦將覽孤景盥洪連 暉之詩有作映彼清淮未若皎皎初吐蒼蒼可陷叶 而觀海推夫兩曜候久照而得天客有吟想此夜淹 以晦朔寧望斷而意乖齋淪涳洞雪翻煙弄水族將蟾 **裴**火元 **Y5)**

埃累更涼與別兹地遠敢望思加日月照臨之明無幽不 治心驚周章失圖數惕交集顧臣鄙劣忝寄藩維無補涓 燭乾坤生成之德在物莫逍追期奏報常儀特降部書慰 悉者臣伏以綸綽下於紫霄明命光於滄海樂深感極龍 菜月日手部所奏某官尋赴廣州事宜具詳本末想宜知 臣以月日謹具某官歸本道事以間某月日奏官至伏奉 右臣伏奉某月日手記令臣速具前件官本末事由問奏 南尹終江西觀察使 奏廣州結好使事由奉詔書謝恩狀

維 右臣伏以青陽發春華寶歷於茲始元穹降祚仰聖壽 屏營之至 於絳闕每水存諭之命更切攀戀之心臣不勝感恩數 深於呈琯荷恩思拜於形庭廁清列於班行我冠劍而 日守炎荒之遐服甘瘴癘以嬰身懷死節之丹誠願生 欽定全唐文《卷六百十一 日之心望雲何及獨關稱態之禮鳴佩無因瞻九重而在 新正殿嚮明班行承慶顧臣等守土列在東隅空懷 迎等列喜萬恆情伏以軒揮一 賀正進物狀 裴次元 達歲序三變謬職 五

節彼南山成祝無疆之壽臣職切藩服守在遐方貢非禮 天空倍情而增戀前件物及衫段宣臺卓座等禮不憚輕 東總盆深於闕下臣某不勝感恩戰灼屏營之極 以展誠單微旣懼傾葵心而向日捧戴何因情空愧於遼 右臣伏以律應教賓日惟端午訖於四海皆馳必獻之珍 之獻臣某不勝感恩忭躍屏營之至 物斯展敬節當有慶用申致貢之誠情苟為珍願比負暄 端午進物狀 賀冬進物狀

欽定全唐文 卷六百十一 皆貢珍於北闕臣謬膺廉問分鎮甌閩當朝家之 歡次策瀛慶延實祚百靈效祉固增壽於南山萬國 越 蹈既不及於九流任土展誠空用馳於 壽況臣昼參近侍出鎮遐藩望關旣遙瞻天積戀手舞足 右伏以履長之慶咸散比日之休率土之濱皆祝如山之 右臣伏以瑶光之祥貫月於住夕遊樞之感降聖於良辰 惟深前件女口及紫袍段銀疊子等謹遣某官隨狀 降誕日進物狀 装次元 一獻輕瀆旅展 N

等稽禹貢之文敢遵任土比野芹之獻空願竭心真因此 終鮮兄弟比以時日非便顧室且貧日居月諸未辨歸 弟主辦以趁時日者私願上陳天書下降跪承恩命榮感 涌心疾首以候古辰昨者陳露下情求替遷奉赴任之日 臣某言伏以幸遇通年奏請遷奉事伏奉月日手部令子 而展誠豈以非而廢禮輕瀆旒展隕越伏深 居遐遠望長安而瞻日戀積心魂前件女口及銀器衣箱 圖臣實不天幼丁家禍薦鍾光點方在童蒙逮於成人 奏準部令子弟主辨遷奉事狀

欽定全唐文《卷六百十一 嗣復字繼之僕射於陵子第進士博學宏詞長慶初累拜 荒塞推逼之至 絲綸之書與任益彰於聖旨願違思重哀荷難任臣不勝 輕不敢重陳再煩香覽懷罔極之感章奏冀允於深誠奉 揚州舒州主辨便赴上都續具開奏臣換以才多職任非 迴荷朝廷之寄深望阡兆而心隕臣即準韶遣子弟專往 中書舍人文宗立還戸部侍郎開成三年以本官同平章 亦具奏聞今奉部書令子弟主辨雖懇辭上濱而天聽未 楊嗣復 楊嗣復

諡孝穆 陛下躬勤庶政超邁百王每對宰臣日旰忘倦正衙決事 宗立拜吏部尚書大中二年卒年六十六贈尚書左僕射 敕府司準宣處置又不覆奏利乖常例有惑眾情 簡肅準宣各決痛杖一處死事亦相緣宣下之事未有正 事封宏農縣伯進門下侍郎武宗朝出為湖南觀察使宣 八賤類出入宮禁定刑議罪有異平人若不痛絕卽難 請令史館紀時政疏 不覆奏決劉楚才等奏

恭惟聖政公在發明今請每致延英坐日對字臣往復之 次包与生人第二年二 罪合處極刑雖經赦恩不在原免伏以近日贓吏皆蒙小 政記旋即不行貞元中宰臣趙退翁請行故事無何又廢 麗驥贓貨之數為錢肆百餘千其間大半是枉法據贓定 詞關德化刑政之事委中書門下直日紀錄月終送付史 有於寬類例之間處須貸死 館所冀帝猷不坚國史有倫 一史在前便殿坐日全無紀錄長壽初字臣姚璹奏置時 **論麗驥贓罪議** 楊嗣復

金歩とよう一タファー 敢詳今所載者因緣文業而已蚤歲為淮南江西從事 宗之達當官行已之道語在國史銘於擴而碑於途此不 於文視聽必於文采章皆正色而無駁雜調韻皆正聲而 成童就傅以及考終命解中筮仕以及釣衡師保造次必 得之於相國文公矣公諱德與字載之天水人也族望祖 無奇邪滔滔然如河東注不知其極而又處命書論終之 唐有天下二百二十載用文章顯於時代有其人然而自 任專考聚品藻之杨參化成輔翊之動初中終全而有之 丞相禮部尚書文公權德與文集序

朝為起居舍人改駕部員外即換司動即中遷中書舍人 管記室之任屬詞詣理奏入報可移文走機疆事迎解登 澤增盛德之形容小則褒才能敘官業區分流品申明誠 制集五十卷託於友人湖南觀察使楊公憑為之序故令 勸 次にといるというというというというというという 不在編次之內其他千名萬狀隨意所屬年龍今古窮極 無談詞無巧語誠直温潤真王者之言公昔自纂錄為 四任九年專掌部語大則發德音修典冊灑朝廷之利 成不以菲廢本乎道以行乎文故能獨步當時人人 周流於親愛情理之間磅礴於勳賢久大之業不為 楊嗣復

王度使和聲順氣發自廊廟而逆決於幽遐我之所長時 冬執政暴疾既疳且痺未旬日而公作相憲章儒術潤色 中與始以英明申威提法武功旣愈文教是圖元和五年 士升名者十七人及為禮部侍郎擢進士第者七十有餘 鸞凰紀梓舉集其門登輔相之位者前後凡十人其他征 非精識洞鑒其詞而知其人何以臻此耶憲宗皇帝紹開 鎮岳牧文昌掖垣之選不可悉數繼居其任者今猶森然 伏非以德爵齒挾而致之貞元中奉詔考定賢良草澤之 推戴王立冰潔無緇磷遷染之識以文德自終且徒然 文と月ラー、タラアー

書舍人據不幸短命其嗣憲孫汝奉文集求鄙詞以冠篇 卷次第具在集目謹序 哉嗣復不依發跡門館儀曹台席皆添前躅公之元子中 嗣復愚之至也不知愚而所以愚每雕萬野弊求多響而 首雖觀於巨海難挹波濤而籍用白茅所資誠敬其五上 務躁進不欲靜止因讀莊周書至孔聖九後乃汝然流涕 自飾曾未辨巧捷輕曲為大妄之枝葉作大愚之藪澤但 次をと与と、気いり上 心愧意方覺弛張不得其妙通變不得其精於是火集 九證心戒序 楊嗣復

戰人當鑒而 垂暑無極其九後之文 卽鑒人者也救必墜 萬編必得上昇上昇之言誘聲俗耳何者真隱之士自任 於歎不盡敢引類而件之當聞老氏教誇黃庭神驗讀之 事而名之即人可以鑒物事可以鑒人物當鑒而报美無 發揮聖作亦表吁嗟尚其九徴之力也太行莫並其高溟 欲寡其過乃屏繁機操筆硯各隨本事妄有褒闡雖不作 津莫同其深且物不能自大因人而大之人不能自名因 必類登吉途辨吉士如沈疴之服良藥昏夜之有燈燭 腸冰寒肌骨同書紳之作戒仰佩韋以自做贊味斯語 台馬コーオフマーー 欽定全唐文《卷六百十一 楊嗣復 修心之書以時人樂其遠而不樂其近賤其目而不賤其 一讀其文即一修其心讀經萬編即耳聰目明神清氣靈以得之同於德者德以得之以心付心以口傳口其要在 聞故易於易而不易於不易難於難而不難於不難乃假 營慮填胸含蓄是非包藏喜怒口念黃庭之字心迷碧落 立菜宮欲伸其說虛張瓊戸使重斯言所以同於道者道 調衛理營六府和平於是染妄不干筋骸自潔同上清之 真侶爲出世之高人指名喻德以勵行者未可脂肥滿 播四支德耕五藏故述黄庭内景外景並是修身

哉於是念黃庭之人非修黃庭之事也此九後之書亦念 來依於是節貫青松名高白日同上古之君子為當代之 至萬福隨而行之即知正知非辦辱辨疑絕詐防機百禄 **筌者所以在魚得魚而忘筌言者所以在意得意而忘言** 跡危甘传樂拙口念九後之字身無一行可觀如朽木強 令人風格難傷貞華獨立未可剛愎好犯檢虐居中蹈虚 慎勿失魚而空執其筌失意而空守其言此是讀九後之 雕難施斤斧腐鐵雖淬終乏光輝徒有虚勢而無實蹟夫 如刻規矩於冰霜齊曲直於雲霧有何功德而自勤

修之身其德乃真未有已不修而有真德者也若使敬之 欽定全唐文《卷六百十 乃不践体人之迹長親長者之車口出雅言腹包至行常 堅行之堅之至無不愈矣即存身保命力不减於黃庭心 如神明仰之如日月一言出而干里響應一行著而四海 能外已不私於身還同飲醴味之便是行雲化兩德經日 淡體閉道更融於内景以其拔馳名故物之志同深居避 事之徒彼利一身此利多人宏濟邈然孔聖之道長矣而 風者此修身而得之未有不修而得之者嗣復年四上 非行九後之士也如藥能療病必堅服之書能治身必 一楊嗣復

之路未足上親天漢恐雨露之恩不濃此貪名也非畏盈 自六七載有拯物之願無自拯之心但力步煙霄蹋雲霞 安至於白首不敢中廢孔子曰凡人心難知於天天猶有 造次至三品人多稱幸凡得其如高名厚利唯恐不及 滿慎終之心也非知進退存亡之心也如此心未決增 親告而心柔順者有貌和而心酷烈者有親弱而心勁 乘致寇之迫必待人而拯已何力能自拯也今者洗心 秋冬夏旦暮之期人者厚貌深情不可測也誠哉是言 陽祇荷德語盡夜慄慄若臨深谷必薄嗜捐華袪情除

微莫隱流光鑒物曲直 同 欽定全書文、七六百十一 受汗合俗又有禮下於人言屈於已顧瞻其行心之不 不耀已功陰施惠澤又有正言馭物直道觀人哺糟 退彼 心術虎豹之文中犬羊之質又有外示躁撓中 不可悉識也君子以此九事觀人者以明鏡矚顏毫 有親剛而心憐怯者或美其言而失 於禮而善諛強其氣而無節又有張君子之腹陳小 九後之中廳 知此也周於所驗已得於心以驗明周故存 何逃彼之進不進此知彼也此 楊嗣復 者如蘭生 順

六合如得其人即傾意而鄰獨孰敢不勉以副思齊之至 者友之親者厚之疎者禮之能自觀也上之謂他人之所也高者附之卑者舉之屈者伸之沈者浮之德者師之謙 觀華章得八九者如驪龍出海光透萬重鵬翼高摶聲 葛亮有審心戒所以桎梏誑妄羈鏁滿溢嗣復不敢類古 不可並得六七者如金石在庭欣逢雅韻黼黻居篋喜 不爭俗路得四五者如鎮鄉之两利不可當暗與之輝 條宛然嘉木得二三者如漁舟入浦不择濁流樵客登 也知上之上慕哉知下之下懼哉崔子玉有座右銘

說今者認為纂釋倍感於心雖有是言實無斯行日省其 年丁未歲夏四月十一日謹題 爲名用繩準不遇之行正文之下皆嗣復述耳時大和元 笑相憂者憂必有年矣知余者表余心矣不知余者曷敢 說讀而改之其達者恐我行不及言必憂迷者喜我行不 及言必笑丈夫旣有言也豈敢中道而廢當不使相笑者 古者言之不出恥躬之不遠也嗣復淺鈍極矣亦喜挹此 而創立題目亦欲因古人而刊削是非便以九徵心戒 九證心戒後序 **(4)** か同し

	言志當自省惕而行之
	그 보